



Inatsisartunut ilaasortaq Michael Rosing, Demokraatit
Maani/

§ 37 naapertorlugu apeqqutip nr. 2017-131-p akineqarnera

Inatsisartut suleriaasissaanni § 37, imm. 1 malillugu Naalakkersuisunut apeqquteqarsimavutit. Apeqqut uanga suliaasaqarfigisannit akineqartussanngorlugu innersuunneqarpoq. Erseqqissaatigineqassaaq apeqqutit uku Aalisarnermut, Piniarnermullu Naalakkersuisutut atuuffeqalinngitsunga suli saqqummiunneqarmata. Apeqqutini pineqartuni Aalisarnermut, Piniarnermullu Naalakkersuisuusimasup aalajangiineranut tunngasuupput.

Ulloq: 25-04-2017
Suliap normua: 2017 - 8472
Dokument nr. 5207591

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Apeqqut:

1. Ilumoornerluni misileraalluni avataani saarullinniarnermut atatillugu pisassiissutit ima agguarneqarsimammata, aalisartitseqatigiiffik ataasiinnaq 500 tonsit sinnerlugit pisassinneqarsimalluni taannalu aalisartitseqatigiiffik pisassinneqarsimalluni 1.000 tonsit sinnerlugit?
2. ilumoorpa aalisartitseqatigiiffik pisassinneqarsimasoq angallateqanngitsoq, avataani aalisarsinnaasumik?
3. Ilumoorpa taamatut aalajangerneq Aalisarnermut Piniarnermullu Naalakkersuisumit aalajangerneqasimammata?
4. Tamanna ilumoorsimappat, suna tunngavigalugu Aalisarnermut Piniarnermullu Naalakkersuisoq taama aalajangiiva.
5. Avataani misileraalluni saarullinniarnermut atatillugu pisassiissutinik tunisinermi suut tunngavigineqarpat?
6. Naalakkersuisut tamarmiullutik isumaqarnerlutik taamatut periuseqarneq, tassa aalisartitseqatigiiffiup ataasiinnaap tunngavissaqanngitsumik salliutinneqarsimarpasinnera eqqortuusooq?

Akissutit:

Uunga 1-imut)
Aap, tamanna ilumoorpoq.

Uunga 2-mut)

Umiarsuaatileqatigiiffik pineqartooq angallataateqarpoq, kilisaatitut 250 BT-tut nalunaarsorneqarsimasumik. Taamaattumik angallat avataani aalisarsinnaasutut angallatitut isigineqarsinnaasariaqarpoq.

Uunga 3-mut)

Naalackersuisunit piumasaqaatit akuersissutigineqarnikuupput Kitaanilu avataasiorluni saarullinniarnermi misiligutissatut pisassiissutinik agguaassisinnaanermut tunngatillugu aalajangiisinnaanermut piginnaatitsisoqarluni.

Uunga 4-mut)

Umiarsuaatileqatigiiffik piumasaqaatinik Naalackersuisunit akuersissutigineqarsimasunik eqquutsitsivoq.

Uunga 5-imut)

Avataasiorluni saarullinniarnermut misiligutissatut pisassiissutinik aalisarsinnaanissamut piumasaqaatit ukuupput, tassa pisassiissutit taamaallaat kalaallit angallataannit ningit-tagarsortunit aamma kilisaatinik sinerissamut qanittumi aalisarsinnaasunik mikinerusunik aalisarneqarsinnaassasut.

Uunga 6)

Naalackersuisut piumasaqaatinut Naalackersuisunit akuersissutigineqarsimasunut isumaqataapput.

Inussiarnersumik inuulluaqqusillunga

Karl-Kristian Kruse